



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **In Genesis Enarratio**

**Chyträus, David**

**Vitebergæ**

**VD16 C 2625**

Octavvm Capvt.

**urn:nbn:de:hbz:466:1-36126**

# OCTAVVM

## CAPVT.

Recordatus est autem Dominus  
Noe.)

*Quod in Græco uersu de Athenis dicitur:*

Ἀρκὴς ἑστῆς ἐν τῷ ὕδατι, καὶ οὐ βύβηται ἐκ τῆς ὕδατος. Hoc est,  
Mergitur uter in unda, at nō submergitur unquam.  
Id rectissimè de Arca Nohæ, & de omnium tempo-  
rum Ecclesia usurpatur. Vt enim Arca seu Nauis  
Nohæ in uastis Diluuij fluctibus agitata non obrui-  
tur aut submergitur, sed filio Dei gubernante salua  
& incolumis conseruatur, Sic omnibus temporibus  
Ecclesia Dei turbulentissimis tempestatibus perse-  
cutionum & heresium iactata, cum prorsus à Deo  
uelut dormiente obliuioni tradita esse, & negligi  
& deseri uidetur, tamen mirando modo liberatur  
& defenditur. Dicitur autem Deus recordari Ec-  
clesiæ suæ, cum ex ærumnis eam liberat. Nec dubi-  
um est ex huius Capitis principio sumptam esse dul-  
cissimam precationem Abacuc: Domine in ira tua  
misericordiæ recorderis. Et cum historia Arcæ No-  
hæ congruit historia Euangelij de Nauicula Chri-  
sti,mersa fluctibus, Christo dormiente, quæ extat Mat-  
thæi 8. & dictum Psalm. 77. Excitatus est tanquam  
dormiens crapulatus à uino.

ALLE.

# ALLEGORIA CO ni & Columbae.

Valde concinna, erudita, pia, & consideratissima dignissima est Corui ac Columbae ramum Oleae arcam ore suo referentis Allegoria. Est enim CO RUI V V S imago Legis, quae, ut 2. Cor. 3. dicitur, ministerium mortis, & peccati, nec certum indicium futuri diluuij, hoc est, placatae irae Dei, liberationis a peccato, morte, & restitutionis uitae ac salutis a peccatis pauidis conscientijs adfert.

COLUMBA est imago ministerij Euangelij, quod in ore ministrorum sonans, saluberrimum ministerium gratiae diuinæ, remissionis peccatorum, Spiritus sancti, & uitae aeternae credentibus, in Arcam Euangelij inclusis adfert.

Hec allegoria ex multis illustribus testimonijs extracta est. Luc. 10. In uulnera sauciati Samaritanus infundit Vinum & Oleum, hoc est, Legem & Euangelion.

Luca. 19. Zachaeus stat in Sycomorea, id est, in populo Legis, qui non fert fructus, nisi scalpente ferro, & ungetur Oleo, hoc est, Nisi per Legem peccata arguantur, & accedat consolatio Euangelij.

Oleum etiam usitatissimè donationem Spiritus sancti, & effectus coniunctos, ut lucem rectè agnoscentem Deum, leticiam, pacem conscientiae, & uitam significat. Psal. 44. Vnxit te Deus Oleo leticiae. 1. Ioh. 4. Vnctio docet nos omnia, id est, Spiritus sanctus docet nos omnia.

Rami Oleae significabant pacem, ut Decad. 3. lib. 4. apud Liuium apparet. Et Christo intranti Ierosolyma populus offert ramos oleae & palmarum, tanquam auctori pacis, & uictori.

Columbae igitur referunt imaginem ministrorum & omnium piorum in Ecclesia, sicut ipse Spiritus sanctus in specie Columbae apparuit. Et Christus inquit: Estote simplices sicut Columbae.

Sunt autem proprietates Columbae pleriq; his uersiculis comprehense.

Est sine selle, gemit, rostro non ledit, & ungues

Possidet innocuos, puraq; grana legit.

Gaudet aquis, quæritq; greges, celeriq; uolatu

Tuta petit, foetus educat alterius.

Masculus ipse fouet foetus atq; incubat ouis,

Coniugij seruant foedera casta simul.

Hec simulacra uirtutum, & ceteras inclinationes, & actiones Columbis proprias, non difficile est per allegoriam, primum ad ipsum Christum, deinde ad Ecclesiam, postea ad ministros Euangelij, postremo ad singulos pios, accommodare.

Mansit

Mansit autem apud Ethnicos quoque memoria  
 ius Columbae ex Arca Noe emissa, ut ex Plin  
 libello de Industria animalium constat. Ac quod  
 rodotus in Euterpe scribit Oraculi Dodonai  
 Hammonis originem à duabus Columbis, quae  
 Dodonem & Aegyptum euolarint: Id ex his  
 Diluuij & nominibus Dodanim filij Iaphet &  
 filij Noe ortum, & à posteris deprauatum esse  
 patet

## III.

DE ANNI SOLARIS  
 quantitate.

Perspicuum testimonium de Anni quantitate  
 historia Noe consideretur. Cum enim Noe  
 gro anno in Arca commoratus sit, conferenti tem  
 ra introitus & exitus, apparet Anni spacium  
 duodecim menses lunares Synodicos, & praeter  
 undecim dies, quos nunc Epactas uocant. Ingre  
 est enim Noe in Arcam anno uitae suae 600. die  
 cima septima secundi Mensis, iussus est autem eg  
 di ex Arca, anno uitae suae 601. die uicesima septima  
 secundi Mensis. Efficiunt autem Duodecim Menses  
 Lunares Synodi (quorum definitionem supra ca  
 recitauimus) 354. dies. His si addas 11. dies à Decimo  
 primo die secundi Mensis, usque ad uicesimum septimum

num inclusiue, constituetur iusta Anni Solaris  
Quantitas, uidelicet dies 365.

## IIII.

SACRIFICIUM  
Nohe.

Sacrificium est ceremonia uel opus nostrum,  
quod Deo reddimus, ut eum honore afficiamus, &  
pro acceptis beneficijs gratias agamus. Sic Nohe  
hoc holocausto gratitudinem suam pro miranda li-  
beratione ex Diluio ostendit, & hoc quasi Sacra-  
mento suam fidem auget & confirmat, ut supra de  
finibus Sacramentorum dictum est.

Erat autem singulare testimonium quod DEO  
placerent & acciperentur sacrificia, cum diuino  
halitu seu igne cœlesti accendebantur. Hinc Meta-  
phora in uerbo odorandi sumpta est, quæ simul eti-  
am monet, Deum sacrificio, hoc est, gratiarum actio-  
ne, inuocatione, pietate, & cultibus Nohe mirificè  
delectatum fuisse, ut nos fragranti odore uiole aut  
rose suauis: recreamur. Ac ex hoc Genesis loco,  
Odoratus est Dominus odorem suauitatis, seu odo-  
rem suauem & gratum, sumpsit Paulus hanc for-  
mam loquendi Ephe. 5. Christus semetipsum tradidit  
pro nobis oblationem & hostiam Deo, in odorem  
suauitatis, Et Philip. 4. Accepi ab Epaphrodito mu-  
nera

nera uestra, odorem suauitatis, sacrificium acceptum placens Deo.

Generaliter autem sacrificia conferuntur oblationibus, et addebantur odores, Quia (ut in loco de Bonis Operibus dicitur) omnia opera piorum debent esse odor, id est, late sparsa, & bene fragrans sancti de Deo, id est, debent referri ad celebrandum Deum, ut alij bona doctrina & bonis exemplis imitantur, ut dicitur, Luceat lux uestra coram hominibus, ut glorificetur Pater uester coelestis.

Placent autem omnia Christianorum opera propter solum filij Dei sacrificium. 1. Pet. 2. Offerite oblationes spirituales acceptas Deo per Christum. Ideo cum sacrificia Patrum expiare peccata dicuntur, meminerimus id de significato, non de significato intelligendum esse.

### TEXTVS.

Adduxit Spiritum.) Id est, uentum.

De Abyſſo & Cataractis dixi Cap. 1. & 7.

Reuerſæ sunt aquæ euntes & redeuntes. Id est, paulatim decurrerunt subinde magis ac magis decreſcentes.

Montes Armeniae.) Ebraicæ **וַיִּרָע** quod significat collectionem tremantis. Dicuntur autem hodie adhuc in Armenia Ecclesie Christi esse, quod fortasse quiete Arcae Nohe significatum est.

Coru

Coruum qui egrediebatur.) Id est, est re-  
uersus, ultro citroq; circa Arcam uoluit, nec ta-  
men passus est se iterum adprehendi & concludi in  
Arcam.

Odorem suauitatis.) Id est, odorem suauem  
& gratum. Solent enim Ebraei adiectiuum & sub-  
stantiuum sic coniungere, ut alterum ponant in ge-  
nitiuo casu.

Sensus & cogitatio humani cordis.) רצו  
figmentum seu plasma, seu fabricatio est mala, hoc  
est, omnia quae cor tanquam figulus fingit, cogitat, et  
machinatur, sunt mala & displicentia Deo.

Cunctis diebus terrae sementis & messis,  
aestas & hyems.) Promittit Deus non uelle se to-  
tam iram suam deinceps erga totum genus huma-  
num uniuersali poena effundere, sed uelle se ordi-  
nem naturae à se institutum conseruare usq; ad finem  
Mundi.

Præcipue autem hic consideretur immensum be-  
neficium Dei, quod gratissimas uices temporum,  
dierum ac noctium, aestatis & hyemis, sementis &  
messis fecit, ut terra & animantia conseruarentur.  
Non enim ut Virgilius inquit,

Res hunc teneræ possent perferre laborem,

Si non tanta quies iret, frigusq; caloremq;

Inter, & exciperet cœli indulgentia terras.

Et ad has uices temporum conseruandas, &  
rerum nascentium foecunditatem augendam admi-  
rabili

Q 2 rabili

rabili sapientia Deus motum Solis, Luna, & con-  
nientes Stellarum ortus & occasus accommodat

## CAPVT NO- NUM.

### LOCI PRÆCIPVI.

- I. *Doctrina de Coniugio repe-  
tur.*
- II. *Institutio Magistratus politici-  
& de pœna homicidij, & ca-  
sis pœnarum.*
- III. *De signo IRIDIS.*
- IIII. *Historia de lapsu Noe in  
strema parte capitis, Decem  
Locos contmet, quos ibi enu-  
uam.*

De primo Loco supra in fine Secundi Capitu-  
tis dictum est.

### II.

Magistratus politicus est potestas